



Uprava policije MUP TK – Izvršeni pretresi na 16 lokacija na području Tuzlanskog kantona

[Press](#), [Vijesti](#)



Službenici Uprave policije MUP TK-a su u vremenskom periodu od 14. do 26.10.2017.godine na području Tuzlanskog kantona izvršili pretrese na ukupno šesnaest (16) različitih lokacija, kojom prilikom su pronađeni predmeti čije je posjedovanje zakonom zabranjeno ili se isti mogu dovesti u vezu s izvršenjem krivičnog djela ili prekršaja.

Tokom pretresa na području **općine Kalesija** kod lica N.I. pronađena su i privremeno oduzeta 74 manja pvc. pakovanja sa sadržajem materije koja svojim izgledom asocira na opojnu drogu „Heroin“ i 3 mobilna telefona, u vezi čega će navedeno lice danas (27.10.2017.godine) uz Izvještaj biti predato Kantonalnom tužilaštvu TK-a na dalje postupanje zbog postojanja osnovna sumnje da je počinio krivično djelo Neovlaštena proizvodnja i stavljanje u promet opojnih droga iz člana 238. Krivičnog zakona FBiH.

Na području **općine Lukavac**, prilikom pretresa kod lica M.R. i A.R. pronađeni su i privremeno oduzeti predmeti koji se dovode u vezu s izvršenjem KD-a Teška krađa na štetu PK Rudnika Šikulje (brusilica i sjekira), u vezi čega će nakon provođenja drugih kriminalističko-istražnih radnji Tužilaštvu TK-a biti podnesen odgovarajući Izvještaj. Takođe na području općine Lukavac kod lica E.P. i L.P. je pronađeno 5 pvc. manjih pakovanja sa sadržajem materije za koju se sumnja da se radi o opojnoj drogi. O navedenom je obaviješten kantonalni tužilac, a u toku je daljnji rad na dokumentovanju indiciranih nezakonitih radnji, nakon čega će protiv navedenih lica biti proslijeđen Izvještaj Kantonalnom tužilaštvu TK-a zbog postojanja osnovna sumnje na učinjeno krivično djelo Neovlaštena proizvodnja i stavljanje u promet opojnih droga.

Prilikom pretresa na području **općine Gračanica**, kod lica H.O. je pronađeno i privremeno oduzeto jedno pakovanje od alu. folije u kojem se nalazila opojna droga „cannabis“, u vezi čega će protiv istog lica biti dokumentovan Izvještaj Kantonalnom tužilaštvu Tuzlanskog kantona zbog postojanja osnovna sumnje da je počinio krivično djelo Posjedovanje i omogućavanje uživanja opojnih droga iz člana 239. KZ FBiH. Takođe, prilikom pretresa kod lica A.D. na području općine Gračanica pronađeno je i privremeno oduzeto jedno pakovanje sa preko 50 grama materije za koju se sumnja da se radi o opojnoj drogi, koja će biti podvrgnuta hemijskom vještačenju, nakon čega će u slučaju pozitivnog rezultata protiv navedenog lica biti dokumentovan Izvještaj Kantonalnom tužilaštvu Tuzlanskog kantona zbog postojanja osnovna sumnje za učinjeno krivično djelo Neovlaštena proizvodnja i stavljanje u promet opojnih droga iz člana 238. KZ FBiH.

Kod lica I.M. prilikom pretresa na području **općine Srebrenik** pronađen je i privremeno oduzet startni pištolj, u vezi čega će protiv istog biti dokumentovan prekršaj propisan Zakonom o oružju i municiji TK-a.

Prilikom pretresa na području **općine Živinice**, kod lica R.Š. pronađena je i privremeno oduzeta ilegalno posjedovana lovačka puška i 4 patrone za istu, u vezi čega će protiv istog lica biti dokumentovan Izvještaj Tužilaštvu TK-a zbog postojanja osnovna sumnje za učinjeno krivično djelo Propisano Zakonom o oružju i municiji TK-a.

Prilikom pretresa kod lica E.K. u **Tuzli**, isti je službenicima policije dobrovoljno predao dvije ručne bombe, u vezi čega će protiv istog Kantonalnom tužilaštvu Tuzlanskog kantona biti dokumentovan Izvještaj zbog postojanja osnovna sumnje da je počinio krivično djelo Nedozvoljeno držanje oružja ili eksplozivnih materija iz člana 371. Krivičnog zakona Federacije BiH.

[Objavi na Twitter-u](#)

[Objavi na Facebook-u](#)

[Objavi na Google Plus-u](#)

27
OKT

13:09



[PRIJAVITE KORUPCIJU!](#)

[PROVJERA STATUSA ZAHTEVA ZA LIČNE DOKUMENTE](#)

Jmb*:

Broj zahtjeva*:




Unesite kod sa slike

[Provjeri](#)


[PLAN NABAVKI MUP TK za 2020. god.](#)

[PLAN NABAVKI UP za 2020. god.](#)

[JAVNE NABAVKE](#)



Javni poziv za dostavljanje pismenih ponuda za prodaju otpisanog bezvrijednog registraturnog materijala nastalog radom u MUP-a TK-a i njegovim organizacionim jedinicama kao otpad




Javni poziv za dostavljanje pismenih ponuda za prodaju rashodovanih registarskih tablica kao otpad

AKTUELNO




Vijesti za 29.1.2021.god.

Javni red i mir Stanje u saobraćaju ...



Uprava policije – Izvršeni pretresi na više lokacija

Policijski službenici Uprave policije MUP TK-a su, postupajuć...



Vijesti za 28.1.2021.god.

Javni red i mir Stanje u saobraćaju ...



Vijesti za 27.1.2021.god.

Javni red i mir Stanje u saobraćaju PU/PS Živinice - ...

VAŠA POLICIJA



kontakt@mup tk.ba

KRIMOLOVCI



KAMPANJE I PROJEKTI

